



Universiteit van Pretoria Jaarboek 2017

MNurs Verplegingsbestuur (Gedoseer) (10251114)

Duur van studie 2 jaar

Totale krediete 180

Programinligting

Die magistergraad kan slegs toegeken word in die studierigting waarin die voorafgaande graad of gelykwaardige kwalifikasie verwerf is. Al die verskillende rigtings word nie elke jaar aangebied nie. Die aanvang van studie moet dus vooraf met die departementshoof uitgeklaar word.

Toelatingsvereistes

- (i) Behoudens die bepalings van die Algemene Regulasies, is die Baccalaureusgraad in Verpleegkunde 'n vereiste vir toelating. In die geval van die niekliniese rigtings, kan 'n ander goedgekeurde baccalaureusgraad ook oorweeg word.
- (ii) Suksesvolle aflegging van 'n toelatingseksamen, volgens die diskresie van die departementshoof.
- (iii) Addisionele toelatingsvereistes soos in die lys hieronder genoem, geld vir elk van die volgende onderskeie spesialiseringrigtings:

Kliniese rigtings:

- a. Minstens een jaar ondervinding as geregistreerde verpleegkundige in die werkplek, wat deur die Departementshoof as geskik vir die voorgenome studierigting beskou word; ander verpleegkunde-verwante modules uitgesluit.
 - b. Studente moet toegang hê, ten minste op 'n deelydse basis, tot kliniese leerfasiliteite wat geskik is vir die gekose spesialisering-gebied en wat vir die doeleindes van die betrokke rigting van die magistergraad deur die departementshoof goedgekeur is.
 - c. Registrasie by die Suid-Afrikaanse Raad op Verpleging (SARV) word soos volg vereis:
- Vir **Gevorderde Mediese en Chirurgiese Verpleegkunde (Kritiekesorgverpleging: Algemeen)** as algemene verpleegkundige.
 - Vir **Gevorderde Mediese en Chirurgiese Verpleegkunde (Kritiekesorgverpleging: Trauma- en Noodverpleegkunde)** as algemene verpleegkundige.
 - Vir **Gevorderde Verloskundige en Neonatale Verpleegkunde** as algemene verpleegkundige en as vroedvrou/vroedmeester.
 - Vir **Gevorderde Psigiatrisiese Verpleegkunde** as algemene verpleegkundige en as psigiatrisiese verpleegkundige.
 - Vir **Gevorderde Gemeenskapsverpleegkunde** as algemene verpleegkundige, gemeenskapsverpleegkundige en as vroedvrou/vroedmeester.
 - Vir **Gevorderde Kinderverpleegkunde** as algemene verpleegkundige en as vroedvrou/vroedmeester.
 - Vir **Gevorderde Neonatale Verpleegkunde** as algemene verpleegkundige en as vroedvrou/vroedmeester.
 - Vir **Gevorderde Vrouegesondheid** as algemene verpleegkundige, gemeenskapsverpleegkundige en as



vroedvrou/vroedmeester.

- Vir **Primêre Gesondheidsorg** as algemene verpleegkundige, gemeenskapsverpleegkundige en as vroedvrou/-meester, asook lysing by die SARV in Medisynehantering in Verpleegkunde en Fisiese Evaluering van Pasiënte.

Niekliniese rigtings:

Registrasie by die Suid-Afrikaanse Raad op Verpleging (SARV) word soos volg vereis:

- Vir **Verplegingsbestuur**, as algemene verpleegkundige en in verpleegadministrasie (Verplegingsbestuur).
- Vir **Verplegingsonderwys**, as algemene verpleegkundige en dosent.

Eksamens en slaagvereistes

- 'n Finale punt van minstens 50% moet in elk van die voorgeskrewe modules behaal word ten einde die betrokke modules te kan slaag.
- Modules met 'n praktiese en/of kliniese opleidingskomponent kan slegs geslaag word indien al die voorgeskrewe praktiese en/of kliniese werk tot die bevrediging van die departementshoof voltooi is.
- Die graad word toegeken aan 'n student wat aan al die gestelde programvereistes voldoen het.

Slaag met lof

- Die graad word met lof toegeken aan 'n student wat 'n gemiddelde van minstens 75% gehandhaaf het vir die duur van sy of haar studies; Verpleegnavorsingsmetodologie (VNM 800) en Gevorderde verpleegpraktykdinamika (DNP 800) uitgesluit.
- Studente wat die graad in 'n kliniese spesialisering voltooï, se graadsertifikaat sal met die betrokke subspesialisering geëndosseer word.



Kurrikulum: Jaar 1

Kernmodules

Gevorderde verpleegpraktykdinamika 800 (DNP 800)

Modulekrediete	40.00
Voorvereistes	Geen voorvereistes.
Kontaktyd	2 besprekingsklasse per week, 6 lesings per week
Onderrigtaal	Module word in Engels aangebied
Akademiese organisasie	Verpleegkunde
Aanbiedingstydperk	Semester 2

Verpleegnavorsingsmetodologie 801 (VNM 801)

Modulekrediete	0.00
Onderrigtaal	Module word in Engels aangebied
Akademiese organisasie	Verpleegkunde
Aanbiedingstydperk	Jaar

Module-inhoud

*Slegs bywoningsmodule.



Kurrikulum: Finale jaar

Kernmodules

Gevorderde verplegingsbestuur 872 (ANX 872)

Modulekrediete	40.00
Voorvereistes	Geen voorvereistes.
Kontaktyd	1 lesing per week, 2 besprekingsklasse per week
Onderrigtaal	Module word in Engels aangebied
Akademiese organisasie	Verpleegkunde
Aanbiedingstydperk	Semester 2

Gevorderde verplegingsbestuur 871 (ANX 871)

Modulekrediete	40.00
Voorvereistes	Geen voorvereistes.
Kontaktyd	2 besprekingsklasse per week, 1 lesing per week
Onderrigtaal	Module word in Engels aangebied
Akademiese organisasie	Verpleegkunde
Aanbiedingstydperk	Semester 1

Skripsie 891 (VGK 891)

Modulekrediete	80.00
Voorvereistes	Geen voorvereistes.
Onderrigtaal	Aparte klasse vir Engels en Afrikaans
Akademiese organisasie	Verpleegkunde
Aanbiedingstydperk	Jaar

Die inligting wat hier verskyn, is onderhewig aan verandering en kan na die publikasie van hierdie inligting gewysig word.. Die [Algemene Regulasies \(G Regulasies\)](#) is op alle fakulteite van die Universiteit van Pretoria van toepassing. Dit word vereis dat elke student volkome vertrouwd met hierdie regulasies sowel as met die inligting vervat in die [Algemene Reëls](#) sal wees. Onkunde betreffende hierdie regulasies en reëls sal nie as 'n verskoning by oortreding daarvan aangebied kan word nie.